



Universitätsbibliothek Paderborn

Opvs De Ivdiciis Divinis, Qvae Devs In Hoc Mvndo Exercet

Accessit index concionatorius in omnes totius anni dies Dominicos & Festos, ab ipso Auctore confectus

Stengel, Georg

Ingolstadii, 1651

12. Christus judicatus terrorem incutit judicandis.

urn:nbn:de:hbz:466:1-45653

ostendit; ita diuinum lumen, quod humani generis Reparator. Mundo intulit, haud obscurè patefecit, qui nam diuinorum sint mysteriorum capaces; aut qui, talparum instar, non sinant se se illuminari. Vitrum, chrystallum, aquas limpidas, gemmas, & preciosos lápilos radij lucis peruadunt ac illustrant; si in corpus opacum, si in saxum incident, superficie tantum tenus recipiuntur, nunquam admittuntur in interiora. Sic *Dei docibiles* omnes sinus, Io.6.45.

totum pectus pandunt, cum Deum, vel de Deo audiunt, aut legunt: filij autem huius seculi, quia obdurato sunt corde, oculos claudunt, ne videant aures, sicut aspides surdæ, obdurant, ne audiant diuinam veritatem; aut si ad aures eorum salutaris sermo allabitur, cor obserant, vt non possit penetrare. Hinc non credunt, hinc iam sunt iudicati.

Præter hæc, duo Iudicia, alia tibi duo Iudicia in mentem à Seruatore reuocantur: quem, siue iudicatum aspicias, siue cogites iudicantem, meritò cōtremiscas. Quippe duo sunt aduentus Christi, in primò venit iudicandus ab hominibus, in altero, veniet homines iudicaturus. Quare in primo aduentu Iudicij nos commonefecit, Iudicium dirissimum patiendo. Quisquis enim audit, aut legit, Deum Patrem proprio suo Filio non pepercisse, sed in illo aliena peccata, tam exquisitis supplicijs castigauisse, facile, si sibi sapit, ratiocinatur, cum Christo; *Si in viridi ligno hac faciunt, in arido quid fieri?* Luc. 23. 31.

Ex ipsa igitur Cruce, de qua, non Epidaurius, sed Elysius & cælestis iste serpens sanat sanari cupientes, inuadit mordetque eos, qui dilexerunt huc usque magis tenebras, quam lucem, &c, quasi dormientium aures velleret, iubet tandem miseris euigilare Endymiones; præcipitum suum non videntibus clamat, vt incipiunt oculos aperire, ac nouissima prouidere. Quin, sicut vipera etiam Apostoli digitum innoxio dente pupugit, ita in ligno suspensus Seruator purioris quoque vitæ mortales, ipsis cruciatibus suis, amantissimè & dulcissimè erudit, vt diuina Iudicia, de suo supplicio, discant æstimare.

Nihil ergo in tempus, aut locum peccabit, neque extra oleas, quod aiunt, vagabitur, quisquis, vel ipso Passionis Dominicæ tempore, vel ubique Redemptorem nostrum in cruce pendenter aspiciens, Iudicia Dei, diuinæq; trutinæ examen, aut sibi, aut lectoribus, auditoribus sue suis, in mentem reuocabit. Sic reuoca-

A 3 runt,

XII.

XIII.

Deut. 31. 29.

XIV.